

第五二四冊

博物彙編

禽蟲典

牛部

羊部

犬部

豕部

(卷)

一九一〇

二一—二四

二五—二八

二九—三三

古今圖書集成

中華書局影印

Z 225
2

PDG

欽定古今圖書集成博物彙編禽蟲典

第一百九卷目錄

牛部紀事二



禽蟲典第一百九卷

牛部紀事二

唐書竇建德傳建德世爲農少重然諾喜俠節鄉人喪親貧無以葬建德方耕遽解牛與給喪事

李密傳密爲左親衛府大都督東宮千牛備身額銳角方瞳子黑白明澈煬帝見之謂宇文述曰左仗下黑皂小兒爲誰曰蒲山公李寬子密帝曰此兒顧眄不常無入衛它日述諭密曰君世素貴當以才學顯何事三衛間哉密大喜謝病去感厲讀書聞包愷在緱山往從之以蒲鞮乘牛挂漢書一帙角上行且讀越國公楊素適見於道按轡躡其後曰何書生勤如此密識素下拜問所讀曰項羽傳因與語奇之歸謂子元感曰吾觀密識度非若等輩元感遂傾心結納張允濟傳允濟青州北海人仕隋爲武陽令以愛利爲行元武民以牯牛依婦家久之犂十餘犢將歸而婦家不與牛民訴縣縣不能決乃詣允濟允濟曰若自有令吾何與爲民泣訴其抑允濟因令左右縛民蒙其首過婦家云捕盜牛者命盡出民家牛質所來

婦家不知遽曰此婿家牛我無豫即遣左右撤蒙曰可以此牛還婿婦家叩頭服罪元武吏大慙唐書高祖本紀武德元年冬十一月禁獻庫牛

冥報記唐武德中遂州總管府記室參軍孔恪暴病死一日而蘇自說被收至官所問何故殺牛兩頭恪云不殺官曰汝弟證汝殺何故不承因呼恪弟死已數年矣既至柳械甚嚴官問汝所言兄殺牛虛實弟曰兄前奉使招慰獠賊使某殺牛會之實奉兄命非自殺也恪曰使弟殺牛是實然國事也恪有何罪官曰汝殺牛會獠以招慰爲功用求官賞以爲己利何爲國事也因謂恪弟曰汝以證兄故久留汝兄既遣殺汝便無罪放任受生言訖弟忽不見亦竟不得言敘

法苑珠林唐武德中隰州大寧人賀悅爲鄰人牛犯其稼乃以繩勒牛舌斷後生三子並皆瘡啞不能言唐書楊再思傳再思居宰相十餘年於時水沴閉坊門以禳再思入朝有車陷於潭吐牛不前志曰癡宰相不能和陰陽而閉坊門遣我艱於行再思遣吏謂曰汝牛自弱不得獨責宰相

謝氏通同縣元氏有女適遼龍村人來阿照謝氏未微未亡龍朔元年大月託藥於來氏女曰卿生時酷酒上作升乃販賣太多龍朔後上作作北山

下人家爲生捉獲賣與法界寺夏佐師今將我向城南耕種田莊常辛苦及歸其妻涕泣爲阿照言之至二年正月有法界寺尼至阿照村女乃問尼尼報云有夏侯師是實女即就寺訪之云近於北山下買得一牛見在城南耕地其女涕泣求請寺尼乃遣人送其女就之此牛平常唯一人禁制若遇餘人必陸梁舐觸見其女至乃舐其遍體又流淚焉女即就夏侯師贖之乃隨其女去今現在阿照家養飼女常呼爲阿娘承奉不闕京師王侯妃嬪多令召視就施財物唐書五行志調露元年春牛大疫長安中有獻牛無前膊三足而行者又有牛膊上生數足蹄甲皆具者武太后從姊之子司農卿宗晉卿家牛生三角

神龍元年春牛疫二年冬牛大疫先天初洛陽市有牛左脅有人手長一尺或牽之以乞丐張廷珪傳詔市河南河北牛羊荆益奴婢置監登萊以廣軍資廷珪上書曰今河南牛疫十不一在詔雖相市甚於抑奪併市則價難準簡擇則吏求賄是牛再疫農重傷也高原耕地奪爲牧所兩州無復丁田牛羊踐暴舉境何賴荆益奴婢多國家戶口姦豪掠買一入於官未無免期南北異宜至必生疾此有損無益也抑聞之君所恃在民民所恃在食食所資在耕耕所資在牛牛廢則耕廢耕廢則食去食去則民亡民亡則何恃爲君牛羊非軍國切要假令蕃滋不可射利后乃止

朝野僉歎武后元年有獻三足牛者宰相皆賀侍御史王求禮賜言曰凡物反常皆為妖此鼎足非其人政教不行之象也太后為之慨然

洛州司食嚴昇期攝侍御史於江南巡察性嗜牛肉所至州縣烹宰極多事無大小入金則弭凡到處金銀為之涌貴故江南人謂為金牛刺史

洛州杜元有牛一頭甚憐之夜夢見其牛有兩尾以問占者李仙藥曰牛字有兩尾失字也經數日果失之

龐帝師養一牯牛一赤犢子前後生五犢得絹一百疋及翻轉得萬疋時號金犢子

唐書宋之問傳之問父令文富文辭且工書有力絕人世稱三絕都下有牛善觸人莫敢嬰令文直往拔取角折其頸殺之

辛諱傳諱終嶺南節度使方諱之少耕於野有牛鬪眾畏奔踐諱直前兩持其角牛不能動久而引觸竟折其角里人駭異屠牛以飯諱然諱癯短才及中人後貴力亦少衰云

五行志開元十五年春河北牛大疫

嘉話錄洛陽畫匠解奉先為嗣江王家畫像未畢而逃及見擒乃妄云工直未相當因於像前誓曰若負心者願死為汝家牛歲餘王家產一驛犢有白文於背曰是解奉先觀者日夕如市時開元二十年也

懷慶府志河內王琚常飲牛乳色如處子

廣異記天寶時涼州人家生牛多力而大及長不可拘制因爾縱逸他牛從之者甚眾恆於城西數十里作羣人不能制其後牛漸凌暴至數百鄉里不堪其

弊都督謀所以擊之會西胡獻一驚獸狀如犬犬而色正青都督問獻此何用胡云搏噬猛獸都督以狂牛告之曰但有賞錢當為相取於是以前三百千為賞胡乃撫獸祝願如相語之狀獸遂振迅跳躍解繩縱之遂詣牛所牛見獸至分作三行已獨處中埋身於土獸乃前鬪揚塵暗野須臾便還百姓往視全成潭竟不知是何獸初隨望其鬪見獸大如蜀馬鬪畢牛已折項而死胡割牛腹取其五臟盆盛以飼獸默啖之漸小如故也

唐書五行志大曆八年武功樸陽民家牛生犢二首貞元二年牛疫

舊唐書五行志貞元四年二月太僕寺郊牛生犢六足太僕卿周皓白宰相李泌請上聞泌笑而不答唐書五行志貞元七年關輔牛大疫死者十五六

原化記貞元中蘇州海鹽縣有戴文者家富性貪每鄉人舉債必須收利數倍有鄰人與之交利剝剝至多鄰人積恨乃曰必有神力照鑒數年後戴文病死鄰人家牛生一黑犢脅下白毛字曰戴文閭里咸知文子恥之乃求謝欲以物鬻去其字鄰人從之既而文子以牛身無驗乃訟鄰人妄稱犢牛有字縣追鄰人及牛至則白毛復出成字分明但呼戴文牛則應聲而至鄰人恐文子盜去則夜閉於別廬經數年方死

宣室志有崔君者貞元中為河內守崔君貪而刻河內苦之常於佛寺中假佛像金凡數鎰而竟不酬直僧以太守竟不敢言未幾崔君卒於郡是日寺有牛產一犢其犢頂上白毛若縷出文字曰崔某者寺僧

相與觀之且嘆曰崔君常假此寺中佛像金而竟不還今日事果何如故崔君家聞之即以他牛易其犢既至命剪去文字已而便生及至其家雖索以芻粟卒不食崔氏且以為異竟歸其寺焉

嘉話錄蔡之將破有水牛黑色入池浴既出身自白皎然唯頭不變

西陽雜俎江淮有何亞秦彎弓三百斤常解鬪牛脫其一角

郡善之東龍城之西南地廣十里皆為鹽田行人所經牛馬皆布甌臥焉

堅昆部落非狼種其先所生之窟在曲漫山北自謂上代有神與牯牛交於此窟

龜茲國元日鬪牛馬馳為戲七日觀勝負以占一年羊馬減耗繁息也

牛黃在膽中牛有黃者或吐弄之集賢校書張希復言嘗有人得其所吐黃剖之中有物如蝶飛去

原化記太和年中光祿府欲宰牝牛牛有胎非久合生或曰既如此可換却屠者操刀直前略不介意牛乃屈膝拜之亦不肯退此牛與子遂殞於刀下屠者忽狂惑失常每日作牛啼食草少許身入泥水以頭觸物良久乃定

報應錄唐大中末信州貴溪縣乳口鎮有童安珣者鄉里富人也初甚貧窶與同里人郭珙相善珙嘗假借錢六七萬即以經販安珣後遂豐富及珙徵所借錢安珣拒諱之珙焚香告天曰童安珣背惠忘義借錢不還儻神理難誣願安珣死後作牛以償某詞甚

惡苦安珣亦給言曰某若實負郭珙珙願死作一白

牛以償其債未逾月安玆死死後半年琪家牯牛生一白牯犢左肋有黑毛作字曰童安玆妻子并親屬等往視之大以爲恥厚納金帛請收贖之郭琪憤其欺負終不允許以牛母并犢別欄餵飼安玆家率童僕持白挺劫取琪多置人守禦竟不能獲

唐書五行志咸通七年荊州民家牛生犢五足十五年夏渝州江陽有水牛生驢駒駒死

逸史唐盧叔敏居緱氏縣即故太傳文貞公崔祐甫之表姪時祐甫初拜相有書與盧生令應明經舉生遂自緱氏赴京行李貧困有驢兩頭又帶一奴纔十餘歲而已初發縣有一紫衣人擎小幙與生同行云送書狀至城辭氣甚謹生以僮僕小甚利其伴侶扶接鞍乘每到店必分以茶酒紫衣者亦甚知婉至鄂嶺早發十餘里天纔明紫衣人與小奴驅驢在後忽聞奴叫呼聲云被紫衣毆擊生曰奴有過但言必爲科決何得便自打也言訖見紫衣人懷中抽刀刺奴洞腸流血生乃驚走初尚乘驢行數十步已見紫衣人趨在後棄驢并靴馳十數步紫衣逐及以刀刺倒與奴同死於嶺上時緱氏尉鄭楚相與生中外兄弟晨起於廳中忽困睡夢生被髮血汚面目謂尉曰某已被賊殺矣因問其由曰某枉死然此賊今捉未得乃牽白牛一頭來跛左脚曰兄但記此牛明年八月一日年明賊從河中府與同黨買牛來於此過入西郭門最後驅此者即是鄭君驚覺遂言於同僚至明日府牒令捉賊方知盧生已爲賊所殺於書帙中得崔相手札河南尹捕捉甚急都無蹤跡至明年七月末鄭君與縣宰計議至其日五更潛布弓矢手立於

西郭門外鄭君偵從自後伏於路側至日初出果有人驅牛自西來者後白牛跛脚行遲不及其隊有一人驅之其牛乃鄭君夢中所見盧生牽者遂擒掩之并同黨六七盡得驅賊牛者乃殺盧生賊也問之悉伏云此鄭君與某有恩某見其囊中書謂是綖絹遂劫殺之及開之知非也唯得絹兩疋耳自此已來常勢髯見此鄭君在側如未露尚欲歸死已就執豈敢隱諱乎因具言其始末與其徒皆死於市

靈應錄上虞縣有民章蘊者因歲歉於鄰人假糧數十斛後鄰人關食執索之抵負誓曰的不還作犂牛填笑而許諾期月章卒其鄰家產一犢當耕耨之次謂弟兄曰章某欠我米已云許作牛還此犢莫是否偶以姓名呼之隨聲而應再呼既而墜淚屈膝似拜許之狀報其家屬來驗之右肘上隱起字曰負人米罰作此畜其家乃數倍價贖而養之

唐書五行志光啓元年河東有牛人言其家殺而食之

二年延州膚施有牛死復生

玉堂閒話臨洮之境有山民曰仲小小衆號仲野牛平生以採獵爲務臨洮已西至於疊宕嶓岷之境數郡良田自祿山以來陷爲荒微其間多產竹牛一名野牛其色純黑其可敵六七駱駝肉重千萬斤者其角二壯夫可勝其一每飲訖之處則拱木叢竹踐之成塵獵人先縱火逐之俟其奔迸則毒其矢向便射之洎中鏃則挈鍋釜負糧輾轉其蹤緩逐之矢毒既發即斃路之如山積肉如阜一牛致肉數千斤新鮮者甚美縷如紅絲線乾重中小小之獵遇牛羣於

石家山賊大逐之其牛驚擾奔一深谷谷盡南抵一懸崖大逐既急牛相排蹙居其首者失脚墮崖居次者不知其偶墮累累接跡而進三十六頭皆斃於崖下積肉不紀極塞成階三州士民荷擔之不盡集異記兗州人船行忽見水上有浮網牽取得數十丈乃得一白牛與常牛無異而形甚光鮮可愛知是神物乃放之牛入水鎖亦隨去

戎幕閒談蜀將何令宣說蠻欲圍城城門外有人見一龍與水牛鬪俄頃皆滅

茅亭客話唐末蜀州青城縣縣人唐求至性純愷篤好雅道放曠疎逸幾乎方外之士也每入市騎一青牛至暮醺酣而歸非其類不與之交

聞奇錄葉簡刻人善卜筮凡有盜賊皆知其姓名有鄉夫失牛卜之曰占失牛已被家邊載上州欲知賊姓一斤求欲知賊名十千頭乃鄰人丘甲爾雲仙雜記梅檀寺悟本春秋二會飲牛乳爲龍華飯供獻

北夢瑣言崔侍官安潛好看鬪牛唐榮陽鄭準以文筆依荊州成中令常欲比肩陳玩自集其所作爲三卷號劉表軍書雖有習襟而辭體不雅應舉日詩卷題水牛日謹憤橫身立達人揭尾跳朝士以爲大笑

雷州府志陷湖在遂溪縣東南七十里周圍十餘里其泉極清故老傳云古係托雷二村唐時有一白牛入於本村村人共殺食之惟一老嫗不食一日天降大雨二村俱陷老嫗攜一傘竹杖乘雨而走回望地陷不已遂以傘竹插地陷乃止二村人民無一存者

桂苑叢談高淑爲滄牧善捕賊有人失黑牛背上白毛韋道建曰高淑捉賊無不獲矣得此可爲神淑乃詐爲州縣市牛皮不限多少倍酬其直使主認之因獲是賊

一統志唐裴子雲爲新鄉令邑人王恭戍邊留犂牛六頭於舅李璉家五年產犢三十頭恭還索牛璉曰爾牛已死其半止還二頭恭訴之子雲收入獄捉璉至曰賊盜牛三十頭藏爾莊內卽縛之璉急曰吾牛實外甥牛特所生於是以五頭酬璉餘盡還恭雲仙雜記梁鄴上元後忽髮變如血下曰元夜食牛肺犯天樞巡使夜行禱謝可免

孔帖唐末京師春遊以觀牡丹爲勝貴富人劉訓者邀客賞花乃繫水牛數百在前指曰此劉氏黑牡丹也

雲仙雜記青齊間遇春耕則飼牛以天麻飯仍用錦縷繫於角上

指月錄草監軍見帳子畫牛抵樹問僧牛抵樹樹抵牛僧無對師代云歸依佛法僧

北夢瑣言唐世梁太祖未建國前崔禹昌擢進士第有別業在汴州管內禹昌敏俊善接對初到夷門希梁祖意請陳桑梓禮梁祖甚喜以其不相輕薄甚蒙管領常預賓次或陪宴戲梁祖以其有莊墅必籍牛乃問曰莊中有牛否禹昌曰不識得有牛意是無牛以時俗語不識得有對之梁祖大怒曰豈有人不識牛謂我是村夫卽識牛渠則不識耳如此輕薄何由可奈幾至不測後有人言方漸解唐書地理志關內道慶州順化郡土貢牛酥

靈州靈武郡土貢黃牛膽

河南道登州東牟郡土貢牛黃

萊州東萊郡土貢牛黃

密州高密郡土貢牛黃

河東道雲州雲中郡土貢犂牛尾

劍南道夔州土貢犂牛尾

黎州洪源郡土貢牛黃

翼州臨翼郡土貢犂牛尾

維州維川郡土貢犂牛尾

保州天保郡土貢犂牛尾

唐書天竺國傳其畜有稍割牛黑色角細長四尺許

十日一割不然因且斃人飲其血或曰壽五百歲牛

壽如之

吐蕃傳吐蕃宴大賓客必驅犂牛使客自射乃敢饋

嶺表錄異瓊州不產驢馬人多騎黃牛亦飾以鞍轡

加之衝勒可騎者皆自小習其步驟亦甚有穩快者

孔帖五代劉知俊奔於蜀王建雖待甚厚然亦陰忌

其才蜀人亦共嫉之知俊爲人色黑而其生歲在丑

建之諸子皆以宗承爲名乃於里巷造爲謠言曰黑

牛出圈樓繩斷建益惡之

清異錄天成長典中以牛者耕之本殺禁甚嚴有盜

屠私販不敢顯其名稱曰格餌

稽神錄廣陵有王姥病數日忽謂其子曰我死必生

某西溪浩氏爲牛子當贖之而我腹下有王字是也

項之遂卒其西溪者海陵之西地名也其民浩氏生

牛腹有白毛成王字其子尋而得之以束帛贖之以

廬州營田吏施汴嘗恃勢奪民田數十頃其主退爲其耕夫不能自理數年汴卒其田主家生一牛腹下有白毛方數寸既長稍斑駁不逾年成施汴字點畫無缺道士卽修默觀見之

廣陵有朱氏子家世勳貴性好食黃牛所殺無數常以暑月中欲殺一牛其母止之曰暑熱如此爾已醉所食幾何勿殺也子向牛言曰汝能拜我我赦汝牛應聲下淚而拜朱反怒曰畜生安能會人言立殺之數日乃病恆見此牛爲厲竟作牛聲而死

九域志奔牛堰在常州故老相傳有金牛奔此故以名之

玉堂閒話宜春郡東安仁鎮有齊覺寺寺有一老僧年九十餘門人弟子有一二世者彼俗皆只呼爲上公不記其法名也其寺常住莊田孳畜甚多上公偶一夜夢見一老媼衣青布之衣拜辭而去云只欠寺內錢八百上公覺而異之遂自取筆書於寢壁同住僧徒亦無有知之者不三五日後常住有老犂牛一頭無故而死主寺僧於街市鬻之只酬錢八百如是

數處不移前價主寺僧具白上公云常住牛死欲貨之屠者數輩皆酬價八百上公嘆曰償債足矣遂令主寺僧入寢所讀壁上所題處無不嗟嘆

隴右水門村有店人曰劉鑰匙者不記其名以舉債爲家業累千金能於規求善聚難得之貨取民間資財如乘鑰匙開人箱篋帑藏盜其珠珍不異也故有鑰匙之號鄰家有殷富者爲鑰匙所餌放債與之積

年不問忽一日執券而算之卽倍數極廣既償之未畢卽以年繫利略無期限遂致資財物產俱歸鑰匙

負債者怨之不已後鑰匙死隣家生一犢有鑰匙姓名在牒肋之間如毫墨書出乃爲債家鞭筆使役無完膚鑰匙妻男廣以重貨購贖之置於堂室之內事之如生及斃則棺斂葬之於野

南唐近事昇元格盜物直三緡者處極法廬陵村落間有豪民暑雨初霽曝衣簷於庭中失新潔衣服不少許計其資直不下數十千居遠僻遠人罕經行唯一貧人鄰垣而已周訪蹤狀必爲鄰人盜之乃訴於邑邑白郡郡命吏按驗歸罪於貧人詐服爲盜詰其賊卽言散鬻於市蓋不勝捶掠也赴法之日冤聲動人長吏察其詞色似非盜者未卽刑戮遂具案聞於朝廷烈祖命員外郎蕭傲覆之傲持法明辨甚有理聲受命之日乃絕輩始齋戒冥禱神祇晝夜兼行竹雪冤枉至郡之日索案詳約始末迄無他狀儼是夕復焚香於庭稽首冥禱願降敕戒將行大辟翌日天氣融和忽有雷雨自西北起至失物之家震死一牛盡剖其腹腹中得所失衣物乃是爲牛所噉猶未消潰遂救貧民而儼驟獲大用

郡國志寶州特亮縣昔有白牛夜出光影照耀人見牛光號爲特亮

遼史方技傳耶律乙不哥字習撚六院郎君裏古直之後幼好學尤長於卜筮不樂仕進嘗爲人擇葬地日後三日有牛乘人逐牛過者卽啓土至期果一人負乳犢引牯牛而過其人曰所謂牛乘人者此也遂啓土既葬吉凶盡如其言

蕭韓家奴傳家奴字休堅涅刺部人中書令安搏之孫少好學弱冠入南山讀書博覽經史通達漢文字

純和十四年始仕家有一牛不任驅策其奴得善價鬻之韓家奴曰利己誤人非吾所欲乃歸直取牛蕭蒲奴傳蒲奴幼孤貧備於醫家牧牛傷人稼數遭笞辱

宋史趙鄰幾傳有何承裕者晉天福末擢進士第有清才好爲歌詩而嗜酒狂逸初爲中都主簿桑維翰鎮兗州知其真率不責以吏事累官至著作佐郎直史館出爲監厓咸陽二縣令醉則露首跨牛趨府尹王彥超以其名士而容之

細索雜記伶人王感化少聰敏未嘗執卷而多識故實口諧捷急滑稽無窮會中主引李繼勳嚴續二相游苑中適見繫牛於株枿上令感化賦詩應聲曰曾遭寧戚鞭敲角幾被田單火燎身獨向殘陽嚼枯草近來問喘更何人因以譏二相也

宋史五行志乾德三年眉州民王進牛生二犢四年南克縣民馬全信及相如縣民彭秀等家牛生二犢

開寶二年九隴縣民王達牛生二犢太平興國三年流溪縣民白延進牛生二犢

五年溫江縣民趙進牛生二犢六年廣都縣趙全牛生二犢

七年什邡縣民王信華陽縣民袁武等牛生二犢八年彭州民彭延闡州民陳則安樂縣民王公泰牛生二犢

九年七月知乾州衛昇獻三角牛雍熙三年果州民李昭牛生二犢

四年鄭縣民鮮于志鮮于臯眉山縣海羅參仁壽縣

民陰饒成都縣民李本成紀縣民王和敏牛生二犢端拱元年眉州民陳希簡晉原縣民張昭郁魏城縣民鮮于郢羅江縣民袁旅河陽縣民李美曲水縣民會處梓潼縣民文光懿永泰縣民羅德綿竹縣民陳洪牛生二犢

淳化元年綿竹縣民李昌遠簿逸閬州民和中惠州民王欽眉州民王圖九隴縣民楊阜元武縣民羊邁達牛生二犢

二年宋州縣民梁行良仁壽縣民梁仁超牛生二犢三年成都府民彭齊卿洪雅縣民程讓未昌縣民田昭巴州民杜文有廬山縣民白閏牛生二犢

四年成都府民任順曲水縣民張思方彭山縣民李承遠牛生二犢

至道二年新都縣民蹇成美牛生二犢頴陽縣民馮延密牛生三犢其二額有白

三年新津縣民文承富赤水縣民蘇福廣安軍吏胥仁迪牛生二犢

咸平元年眉山縣民向瓊政陳元寶丹陵縣民劉承鸞通泉縣民王居中曲水縣民楊漢成楊景歡王思讓眉山縣民陳彥有牛生二犢

二年濛陽縣民杜摯九隴縣民楊太眉山縣民蘇仁義洪雅縣吏陸文贊牛生二犢

三年叙浦縣民戴昌蘊牛生二犢四年流溪縣民何承添晉原縣民頗全未昌縣民會嗣犀浦縣民何福彰明縣民王玘牛生二犢

六年渠江縣民王德進魏城縣民蒲諫王信石照縣民仲漢宗大足縣民劉武牛生二犢

第五二四冊 之三

景德元年魏城縣民閻明彭州濛陽縣民郭琮牛生二犢

二年三泉縣民李景順東海縣民時祐小溪縣民劉可赤水縣民羅末並牛生二犢

三年長江縣民于承琛牛生二犢

眞宗本紀景德三年秋七月詔渭州鎮戎軍收獲蕃部牛送給內地耕民

五行志景德四年相如縣民楊漢暉邛州安仁縣民羅瑩九龍縣民白彥成渠江縣民王繼豐家及順安軍屯田務牛生二犢

大中祥符元年龔丘縣民李起牛生四犢判州王欽若圖以獻

二年立山縣民盧仁依銅山縣民勾熙正什邡縣民杜族南康縣民陳邦並牛生二犢

三年隄爲縣民陳知進牛生二犢

四年東關縣民陳知進牛生二犢

五年富順監些并場官楊守忠曲水縣民向平蓬溪縣民蹇知密牛生二犢

六年廣安軍依政縣民李福貴溪縣民徐志元牛生二犢

七年雙流縣民姚彥信涪城縣民張禮嘉州龍游縣民張正夾江縣民郭昇天水縣民王吉牛生二犢

八年仁壽縣民何志通泉縣民羅末泰成都縣民張進華陽縣民楊承珂牛生二犢

九年平定軍平定縣民范訓臨邛縣民楊暉牛生二犢

天禧元年開江縣民冉津及澧州石門縣眉山縣牛

生二犢

二年臨邛縣民王道進臨溪縣民王勝西縣民韓光緒牛生二犢

四年貴溪縣民葉政牛生二犢

五年巴西縣民向知道牛生二犢自天聖迄治平牛生二犢者三十二生三犢者一自熙寧二年距元豐八年郡國言民家牛生二犢者三十有五生三角者一

雷簡夫傳簡夫有鄰孫孝先子也累遷尚書職方員外郎卒錄其子爵臣爲郊社齋簡夫始起隱者出入乘牛冠鐵冠自號山長關中用兵以口舌捍關公卿既仕自奉稍驕侈驕御服飾頓忘其舊里閭指笑之曰牛及鐵冠安在

湘山野錄詩人鮑郎中當知睦州日嘗言桐廬縣一民兼并刻剝閭里怨之盡詛曰死則必爲牛一旦死果鄰村產一白牛腹旁分明題其鄉社名姓牛主潛報兼并之子亟往窺之既果然亦悲恨無計又恐其事之暴欲以償求之其民須得百千方售其孤亦如數贈之既得之遂參於家未幾一針筆者持金十千首於郡曰某民令我刺字於白牛腹下約得金均分今實不均故首之吏鞫刺時之事曰以快刀剝去氈毛以針墨刺字毛起則宛如天生鮑深嫉之鯨二姦竄於島

鄰幾難志高敏之以鍾乳飼牛飲其乳後患血痢卒或以爲冷熱相激所致

昨夢錄西夏有竹牛重數百斤角甚長而黃黑相間用以製弓極佳尤且健勁其近兇黑者謂之後離近

稍近弮俱黑而弓面黃者謂之玉腰夏人常雜犀角以市焉人莫有知往時鎮江裨將王詔遇有鬻犀帶者無他文但峯巒高低繞人腰圍耳索價甚高人皆不能辨惟辛太尉道宗知此竹牛也爲弓則貴爲他則不足道耳

宋史梅詢傳詢初夢三牛闕於庭又有人稱相公上謁及得濠州見廐有三石牛旣而呂夷簡來爲倅恍如夢中

呂公綽傳公綽字仲佑知鄭州嘗問民疾苦父老曰官籍民產第賦役重輕至不敢多畜牛田疇久蕪穢公綽爲奏之自是牛不入籍

芝田錄賈耽精於術數有一叟失牛詣桑國師占師曰爾牛在賈相公帽筒中叟迎公馬首訴之公笑取筒中展盤據鞍作卦曰爾牛在安國觀三間後大槐樹鵲巢中叟往探不見傍有繫牛乃獲盜牛者

宋史仁宗本紀天聖八年詔河北被水州縣毋稅牛過庭錄忠宣尹洛謝克家叔往自河陽來至中路曰白司馬坡秣馬歇店中欲行以馬未盡芻少待見老翁負喧牆下有人告曰黃犢爲人所竊矣翁因坐負喧略不問須臾再以失犢告翁答色自若徐曰爾無求必鄰戲藏爾謝以爲有道者異而就問曰翁家失犢再告而不顧何也翁笑曰范公居此孰肯爲盜必無此理已而犢果還謝嘆息而去

宋史包拯傳拯知天長縣有盜割人牛舌者主來訴拯曰第歸殺而鬻之尋復有來告私殺牛者拯曰何爲割牛舌而又告之盜驚服

李椿傳椿字壽翁知婺州會詔市牛筋凡五千斤椿

奏一牛之筋幾四兩是欲屠二萬牛也上悟爲收前詔

穆衍傳衍字昌叔河內人徙河中第進士調華池令民牛爲仇家斷舌而不知何人訟於縣衍命殺之明日仇以私殺告衍曰斷牛舌者乃汝耶訊之具服唐震傳震知信州州有民備畜牧牛童逸而牧舍火其父訟備者殺其子投火中民不勝掠自誣服震視牘疑之密物色之得童傍郡以詰其父對如初震出其子視之獄遂直

東軒筆錄治平間河北凶荒繼以地震民無粒食往往賤賣耕牛以苟歲月是時劉漢知澶州盡發公帑之錢以買牛明年民無牛可以耕鑿而其價騰湧十倍漢復以所買牛依元直賣與是故河北一路惟澶州民不失所由漢權宜之術也

聞見近錄聲源者嘗語張大夫曰眞定府都監王文思嗜牛肉一日方醢肉几上肉中哀號累日不絕蔡元長作尹聞而取視之其聲益悲命爲棺飯僧燒之灰燼中得白骨一副

東臯雜錄東坡元豐間繫御史獄謫黃州元祐初起知登州未幾以禮部員外郎召道中遇當時獄官甚有媿色東坡戲之曰有蛇螫殺人爲冥官所追議法當死蛇前訴曰誠有罪然亦有功可以自贖冥官曰何功也蛇曰某有黃可治病所活已數人矣吏收驗果不誣遂免良久索一牛至獄吏曰此牛觸殺人亦當死牛曰我亦有黃可治病亦數人矣良久亦得免久之獄吏引一人至曰此人生常殺人幸免死今當還命其人倉皇妄言亦有黃冥官大怒詰之曰蛇黃

牛黃皆入藥天下所共知汝爲人何黃之有左右交訊其人窘甚曰某別無黃但有些慚惶

東坡志林蜀中有杜處士好書畫所寶以百數有戴嵩牛一軸尤所愛錦囊玉軸一日曝書畫有一牧童見之拊掌大笑曰此畫鬪牛也牛鬪力在角尾搐入兩股間今乃掉尾而鬪謬矣處士笑而然之古語云耕當問奴織當問婢不可改也

宋史五行志元祐元年距元符三年郡國言民家牛生二犢者十有五

大觀元年閬州言牛生二犢

四年三月帝謂起居舍人宇文粹中曰牛產二犢亦載之起居注中豈若野蠶成繭之類民賴其利乃爲瑞邪自是史官不復盡書

政和五年七月安武軍言郡縣民范濟家牛生麒麟墨莊漫錄政和丁酉歲眞州郊外一家屠一牛買肉歸者往往於剖割之際鋒鋒有聲視之於肉脉中皆有舍利也大小不一光瑩如玉詢之數家皆有之自爾一村之民不復食牛

政和丁酉予侍親在眞州時慈受禪師懷深住持資福寺一日深老謂先君曰近赴村落富人家齋見羣犬爭銜嚼一牛脛骨甚狂噬相噬不已村人持挺驅逐亦竟不去衆頓異因奪而破之其中血髓已堅凝如玉自成一菩薩形衣紋瑩絡相好奇特雖雕琢有所不及其家乃取去藏之

開燕常談宗汝霖澤政和初知萊州掖縣時戶部下提舉司科買牛黃以供在京惠民和劑局合藥用督責急如星火州縣百姓競屠牛以取黃既不登所科

之數則相與斂錢以賂上下胥吏丐免汝霖獨以狀申提舉司言牛遇歲疫則多病有黃今太平之久和氣充塞縣境牛皆充牣無黃可取使者不能詰一縣獲免無不感戴者

宋史五行志重和元年三月陝州言牛生麒麟宣和二年十月尙書省言欽州欽縣民鮑珙家牛生麒麟

三年五月梁縣民邢喜家牛生麒麟

王德傳德爲都統制紹興元年平秀州水賊邵青初德與戰於崇明沙親執旗麾兵拔柵以入青軍大潰他日餘黨復索戰諜言將用火牛德笑曰是古法也可一不可再今不知變此成擒耳先命合軍持滿陳始交萬矢齊發牛皆返奔賊衆殲焉

五行志紹興元年紹興府有牛戴刃突入城市觸馬裂腹出腸時衛卒多犯禁屠牛牛受刃而逸近牛禍也

春渚紀聞裴亞卿言紹興九年湖州普安院尼沈大師者聞吳江縣潘氏兄弟祈居而家有華嚴經一部惜不忍分試往求之衆議皆允而尼請歸其香花及舟載迎取潘老謂尼曰爾往則恐有中變者我今并具小舟假汝載往如何尼欣然更過所望經既登舟而廣適大旱川港乾涸不能寸進翁曰我更假汝一牛挽引而前也經既至院牛船還家翁中夜忽語其媼曰吾之捨經得供養矣而吾牛可慮也媼問之云我適夢牛而人言曰謝公數年參養之力又承公遣以挽經之功今得脫此畜身徑生安樂處感德無窮也亟往視之牛已死矣

宋史五行志紹興十六年靜江府城北二十里有奔犢以角觸人於壁腸胃出牛狂走兩日不可執卒以射死

十八年正月依政縣牛生二犢

二十一年七月遂寧府牛生二犢者三

二十五年八月漢中牛生二犢

常熟縣志直塘里富民張八翁用機械起家其長子乾道元年亡有鹽商從鄂州來見牛生白犢腹間隱起字曰蘇州直塘廣安寺前張八郎之子以告翁翁倩商買歸善飼之

宋史五行志淳熙十二年仁和縣良渚有牛生二首

七日而死餘杭縣有犢二首

十六年三月池州口鎮軍屯牛狂走觸人死

夷堅志建昌控鶴鄉有汝嶺絕高民居嶺西者畜一水牛甚大每旦牧於嶺下至暮歸淳熙乙亥冬忽失所在遍索不得意為盜所竊聞於保伍後三日有樵夫曰爾牛過嶺正見虎牛倚石崖下臨虎虎作勢相拒衆莫敢逼有人奮刃直前將刺虎則牛虎皆已立死時方盛寒故僵而不仆民吏二千昇還屠割之視其肉虎無他異獨牛之心膽皆已裂蓋力雖可格虎而震懼至是云

宋史五行志慶元三年樂平縣田家牛生犢如馬一角鱗身肉尾農以不祥殺之或惜其為麋同縣萬山牛生犢人首

括異志奉新縣村民繫牛於柱將殺之其鄰家子平時饗食乘醉入觀踞坐指屠者曰速操刀我欲肝肺生食不宜緩仍不可與他人也語至再三牛忽驤首

怒目直視此子奮力掣索斷直前徑觸之穿其腹戴之以走過四十里不脫鄉民及豪子弟僅奴極百餘人皆槍杖叫譟共往追逐乃得其尸

冷齋夜話筠溪快山有虎嘗搏牧牛童子為兩牛所逐虎既去牛捍護之童子竟死石門老衲文公為予言之為作詩記之以諷含齒被髮而不善者然予徒能諷之其能已之哉快山山淺亦有虎時時受尾過行路一豎坐地牧兩牯以捶捶地不復顧虎搏豎如鷹捕兔兩牛來奔虎棄去因往荷梓挨老樹牯則喘視同守護虎竟不能得此豎豎雖不救牯無負一村囂然共鳴鼓而虎已逃不知處嗟哉異哉兩大武高義可與貫高伍今走仁義名好古臨事真情乃愧汝此事可信文公語為君落筆敏風雨

春渚紀聞陶安世云張觀鈴轄家人嘗夢為人追至一所仰視榜額金書大字云牛王之宮既入見其先姨母驚愕而至云我以生前嗜牛復多殺今此受苦未竟所苦者日食芒飯一升耳始語次即有牛首人持飯至視之皆小鐵蒺藜其大如麥粒而鋒芒甚利飯始入咽則轉次而下痛貫腸胃徐覺體間燥痒即以手爪把搔至於痒極血肉隨爪而下淋漓被體牛首人則取鐵把助之至體骨現露芒飯盡出一呼其名則形體復舊家人視之恐怖欲逃牛首人即呼持之曰汝亦嘗食此肉四兩今當食飯二合而去號呼求解不可得即張口承飯飯才下咽則痛楚不勝宛轉之次忽復覺腮頰舌皆腫不能即語至朔日始能言因述其夢云

括異志茅山有村兒牧牛洗所著汗衫曝於草上牛

食草之際併食其衫疑鄰兒竊之其父怒曰生兒為盜將安用之即將兒投於水中鄰兒稱冤呼天纔出水父復投之俄大雷雨震死其牛汗衫自牛口中出韶陽有一人牧牛一旦牛舐其臂而色皎白此人樂之即袒其體令牛遍舐皆白其人數日間暴卒其家恨殺此牛召村社同食之凡食者數十人一夕同卒齊東野語曾鳳朝陽慶陵人余嘗與之同寮忽以疾告數日余往問之因云昔年病傷寒旬餘不解昏睡中忽覺為牛所吞境界陡黑知此身已墮牛腹中於是覺然曰身不足惜如老母何因發誓自此復見天日當終身不食太牢悚然驚寤流汗如雨疾遂良愈持戒已十年矣昨偶飲鄉人家具牛炙甚美朋舊交勉之忍饑不禁為之破戒歸即得疾疇昔之夜夢如往年恐懼痛悔以死自誓今幸汗解矣余聞其說異之且書見傳記小說所載食牛致疾事極衆然未有耳目所接如此者余家三世不食牛先妣及余皆稟賦素弱自少至老多病然瘟疫一證不染雖奴婢輩亦復無之益信朝陽之說為不誣因並著之以為世戒

宋史占城國傳占城多黃牛水牛而無驢亦有山牛不任耕耨但殺以祭鬼將殺令巫祝之曰阿羅和及拔譯云早教他託生

金史蒲察世傑傳世傑初在梁王宗弼軍中為人多力能以拳擊四歲牛折脅死之有糧車陷淖中七牛挽不能出世傑手挽出之

宗寧傳宗寧臨事明敏其鎮臨潢鄰國有警宗寧聞知之糧即出倉粟令以牛易之敵知得粟即遁去邊

人以窩幹亂後苦無牛宗寧復令民入粟易牛既而民得牛而倉粟倍於舊其經畫如此

石抹下傳下遷武勝軍節度使宋人請和明年有水牛數百頭自淮南走入州境僚佐欲收之充官用卡不聽復驅過淮還之

五行志熙宗皇統五年閏月戊寅大名府進牛生麟七年十一月完顏秉德進三角牛

鄭建充傳正隆軍興括筋角造軍器百姓往往椎牛取之或生拔取其角牛有泣下者建充白其事於朝程輝傳輝拜叅知政事舊廟祭用牛世宗晚年欲以他姓易之輝奏曰凡祭用牛者以牲之最重故號太牢語曰犁牛之子騂且角雖欲勿用山川其舍諸古禮不可廢也

李復亨傳復亨遷南和令盜割民家牛耳復亨盡召里中人至使牛家牽牛過過之至一人前牛忽驚躍詰之乃引伏

元史布智兒傳布智兒嘗從太祖征討每臨陣必奮身力戰身中數矢太祖親視之令人拔其矢血流滿體悶仆幾絕太祖命取一牛剖其腹納布智兒於牛腹浸熱血中移時遂甦

輟耕錄陳雲喁柏州州人性豪宕結客其祖平章故朱制置即龍麟洲題琵琶亭以譏之者凡積金七屋不數年散盡嘗雪中騎牛拜米南宮墓詩云少年不解事買駿輕千金何如小黃犢踏雪空山深小小雙牧童吹笛穿松林醉拜南宮墓地下有知音

開封府志順帝元統十七年河南大饑汴梁居民每夜二更聞文廟後蔡河灣水底牛鳴至四更方息

龍興慈記聖祖幼時與羣牧兒戲以車輻版作平天冠以碎版作笏令羣兒朝之望見儼然王者殺小犢煮食之犢尾插入地誑主者曰陷地裂去矣主者拽尾轉入地中真以爲陷也

明會典凡供應牛隻國初令鳳廬場三府并滁和二州應天六合縣民戶領養每牛一隻牛頭一丁貼戶九丁母牛二年科犢一隻俱南京太僕寺查管每年神官監光祿寺酒醋廩局擠乳拽磨等項所用牛隻呈部行寺於前牛內撥取解典收所轉送應用若有患病瘦損無乳者退出該所餵養俟有應息仍送應用供用倒死者送太平門外瘞埋退出該所死者告行相刺皮張該所類奏送南京工部轉解該庫交收孳生牛犢并賠償牛隻三年一次印馬御史赴南京御馬監關領牛字火印二把督同各府官扣算各衙門該用之數照依印烙聽用多餘者變賣價銀該府類解本部發寺買馬支用

廣東通志一陽和尚俗姓何洪武間遊食至韓岍驛宰家岍厚遇之一陽病岍救療備至後於七月十五夜死岍具棺以葬於西坡地鄰里以岍注意於方外士皆晒之岍曰費錢七百八十文耳不足惜也明年是夜岍夢一陽披黃衣立牛欄中以二手作上下指狀早視欄中牛生一犢毛作白文若絮然心竊識之後犢出角一立一垂如所指狀岍以爲一陽後身無疑遂令僮善芻之惜不教耕作鞍跨之走勝馬一日岍乘行海邊遇倭賊追逐驚謂牛曰爾一陽耶當濟此難牛走異常得脫後爲焚艘謝家竊殺岍緝獲賊謝曰吾分食此牛者十三人人願辦錢六十文

以償公長者幸無聞官岍私計錢適合前葬費之數大爲嗟悼而寢其事因終身與子孫戒至今勿食牛肉云

常熟縣志正統間郡吏張乙者有事雲間走常熟避雨農舍主知其更款三日去乙亦感之旋思其家多藏可衛餌也教獄中盜誣指之而復馳報曰可求早計其人獻百金營解乙乃斃盜解之主仍德之初不知乙詭也亡何乙死主夢乙冠服入門是日母牛產一犢乙之子夢父告曰吾詐主百金今冥司罰爲彼家牛已生其家矣汝可贖還子遣使持金買犢不可又夢父囑當以情事懇果贖得父事牛數年死明會典凡蕃牧所成化十三年題准設立旗軍七百四十九名職專養性擠乳供應宗廟祭祀及上用膳羞乳牛共六百八十五隻每隻日支料豆三升穀草十斤俱戶部坐派河南山東等處起運計牛房三處外牛房裏牛房吳家駝牛房弘治二年奏定鳳廬場三府滁和等州率牧牛共五千隻母牛三千七百隻犍牛一千三百隻十七年議准南京各衙門供應牛隻量減三分之一行南京守備太監嚴戒收牛人員解到驗中即收有倒死者養牛人役照依京營倒死騎操馬匹事例責罰比較在外牛隻本部委官會同南京太僕寺堂上官各一員親詣州縣審留犍牛五百隻種母牛一千五百隻共二千隻定爲額例均派相應人戶領養二千隻外即係多餘變銀解部轉發太僕寺收備買馬支用每牛三年課犢一隻自派養日爲始至過十年原牛除豁孳生印烙遇本部取用照數解發其官吏

羣長人等科擄及解牛人齎銀赴京通同攬頭包納
者事發從重問詰

汝寧府志明正德初畢昭守汝寧忽有憤突入中門
跪廳事前鳴吼若有所訴昭曰爾必有冤憤乃俯首
因命隸隨之奔入屠家見縛一牛於地尚未割刃即
其母也隸捕屠者至伏罪牛得不死命其憤曰孝牛
明會與正德十六年議准養牛州縣健母牛隻數目
照依課馬法改派均平行南京太僕寺查勘原額健
牛多母牛少者就將健牛改派母牛每健牛一隻配
母牛三隻零牛量配改派造冊奏繳

嘉靖七年奏准南京光祿寺等衙門供應牛隻健牛
一隻折銀六兩乳牛連犢折銀五兩兩角牛亦折銀
五兩各令養牛人轉解南京兵部轉發光祿寺衙門
召商收買及臨時擇買應用

九年題准每年會派牛隻除孝陵神宮監健牛三隻
照舊外其餘各量減章乳牛司牲司止派六十隻珍
羞署止派五十四隻良醢署止派四隻健牛內府供
應庫止派八隻酒醋局止派十隻其司牲司珍羞
署除歲解新牛之外仍於舊牛內每年揀選應壯有
犢有乳者司牲司存留三十隻珍羞署存留二十六
隻以防取乳缺用該派牛隻依本部議定每健牛
一隻價六兩乳牛一隻連犢價五兩行令各府州縣
養牛入戶出辦解部轉放光祿寺等衙門召商收買
應用其各司署庫局養牛軍廚所領牛隻倒死者照
操軍倒死官馬追納樁頭事例量從輕減在半年之
內倒死者每隻罰銀一兩一年之內倒死者罰銀五
錢若有侵耗草料者以監守自盜從重論

山西通志嘉靖間高平野川民李官素無善行乃正
命而終鄉人咸以為漏網方停屍二日其子夜聞呼
號之聲意為其父回生也相與審視之其父變為一
牛頭與手足皆牛獨腰腹上為人形急蓋棺殮之棺
中咆哮尚數日而止

都陽縣志嘉靖四十二年蟻州有牛腹大異常忽雷
電遠其身產犢如駒鱗角俱具後莫知所往

宣城縣志萬曆季年吏部郎高登明朝退屠家一牛
跪其前高倍金買之畜寺中俄生犢及秋夢牛奔人
懷驚覺則子日晉生遣人視牛死矣生之日女也三
日後變為男高初艱嗣卒賴此以延其族書之以為
食牛之戒

見聞錄吾鄉宋南野君名璆字克純為御史時丁外
艱還家家有牛嘗踐柳氏田柳氏格殺牛而遣其子
弟詬毀君君勸家人無出與競

瀛涯勝覽占城國傍海山野牛甚狠逢青衣人輒觸
之至死蓋亦耕牛奔入山積久而成羣然也

錫蘭王尚釋重象牛煨牛糞灰遍體塗之牛則飲其
乳而不食其肉死瘞之有殺者死刑或贖以牛頭金
王宮民居旦必調牛糞塗地而禮佛

樂郊私語州民有朴知義者家翁莊墾幼生而不慧
至八歲不語一日俄謂其母曰今日牆外牛鬪娘可
避之舉家駭而且喜已而鄰人之牛果鬪牆外是後
復不言

指月錄台州涌泉景欣禪師暹德二禪客於路次見
師騎牛不識師忽曰蹄角甚分明爭奈騎者不鑒師
驟牛而去暹德憩於樹中煎茶師同却下牛問曰二

禪客近離甚麼處曰那邊師曰那邊事作麼生暹提
起茶盞師曰此猶是這邊事作麼生暹無對師曰莫
道騎者不鑒

海錄碎事梧州出獨峯牛土人乘騎如馬謂之角乘
百川學海恩州民張氏以屠牛致富一牛臨命膝跪
若有所請張不肯釋殺之將取其肝食血箇口處忽
水珠迸出色如水銀而圓小大不等張正驚視疑是
牛黃始置未食及烹肉就貨刀不能切皆有圓珠如
石滿其中胃臟盡然始知是舍利也張即日罷業棄
從來所棄牛骨并舍利作一塔葬之

仙居縣志李遂夫原名田初夢人推車過門滿載皆
書卷問何等文書曰省中及第人姓名也揖而求觀
遍閱無已名獨有李遂夫者車人指曰是爾姓名乎
謾應之曰然其入曰此一鄉皆食牛肉而汝家三世
獨不食當父子登科既覺因更遂夫果中

雲南通志順寧府里長俸文家畜一犍甚瘦好鳴二
年忽產一犍牛頭牛蹄渾身白毛青腿脊上微有鱗
甲角生頂中如芝菌然光耀炫目雖大狂叫文駭而
殺之又未昌府彝民家產一犍夜中有光燭欄民以
為怪殺之次早見身有肉鱗其色青藍邊邊紅每鱗
之內皆有細毛蠅蚊不敢近

青州府志安丘縣治西北某社十年前羣童牧牛六
十隻忽大雨至霹靂連聲一時皆震死皆皆向西南
屈其前兩膝俯伏若有所畏不敢動之狀牧童亦震
死二人

山東通志陳知縣在泰寧日夢三牛當道作人立而
言曰莫殺我覺而告妻子曰今日詞狀須有來判憑

者縣故凡遇開剝病牛者必投狀乃許之蓋欲防私宰殺也明日治事第一狀曰家耕牛染瘴病死乞行開剝陳怒叱之曰汝有牛三頭如何但說爲一其人駭愕不能對即遣一吏隨往驗視果見三牛其一已就屠乃依法寘於罪

龍游縣志有徐叟畜一犢數年牽渡水叟沒牛隨尸歸小其門卽不食及葬隨柩跪哭於墓數日死

松江府志盛肇居青龍勝果寺好噉牛肉與陳氏子友善陳遣僕約旦日會食視其簡乃勻君賤一幅內大書曰萬物皆心化惟牛最苦辛君看橫死者盡是食牛人輩驚顧呼其僕已不見旦而詢諸陳氏亦未嘗遣也肇自此不食牛

廣東通志龍官潭在縣南七十里保義西隅都新安江中舊傳國初有一白牛時沒潭中必倦喘而出其主異之乃置刀於角後復見一蛟傷而浮起知與蛟鬪也至今風雨忽有龍出沒旱魃鄉人往禱多驗蘇州府志嘉定富人王全者嘗夢其亡父曰吾生時欠江陰某甲錢今托生其家爲牛以償且滿矣爾往贖吾歸諸牛惟吾身白善記之慎無論價全尋到其家視欄內果有一白牛求市之其家惜此牛健而善運不許倍價乃得載歸覆以幃幕擇芻豆精好者飼之數歲死

欽定古今圖書集成博物彙編禽蟲典

第一百十卷目錄

牛部雜錄

牛部外編

禽蟲典第一百十卷

牛部雜錄

易經无妄六三无妄之災或擊之牛行人之得邑人之災義本无故而而有災如行人牽牛以去而居者反遭詰捕之擾也

大畜六四童牛之牯元吉義本童者未角之稱牯施橫木於牛角以防其觸詩所謂福衡者也止之於未角之時為力則易大善之吉也

離利貞亨畜牝牛吉義本牛之性順而又牝焉順之至也畜牝牛謂養其順德

遯六二執之用黃牛之革莫之勝說義本黃中色牛順物革堅固之物謂其交之固不可勝言也

睽六三見輿曳其牛掣其人天且劓无初有終義本輿與曳牽於後也牛掣阻於前也

革初九鞶用黃牛之革義本雖當革時居初无應未可有為故為此象鞶固也黃中色牛順物革所以固物亦取卦名而義不同也義本中溪張氏曰鞶有拘束之義革皮之堅韌者也革下卦離黃牛象初剛在外為

革初處變革之始在下則非可革之位居初則非常革之時上无應援豈宜輕躁但當用此中順之道固執而堅守之如用黃牛之革焉不可妄動以有為也旅上九鳥焚其巢旅人先笑後號咷喪牛於易凶義本牛順物喪牛於易謂忽易以失其順也

既濟九五東鄰殺牛不如西鄰之禴祭實受其福義本殺牛盛祭也禴薄祭也義本言九五居尊而時已過不如六二之在下而始得時也

繫下傳服牛乘馬引重致遠以利天下蓋取諸隨義本下動上說義本大漢上朱氏曰上古牛未穿馬未絡至是始服乘之郡陽董氏曰服牛乘馬穿鼻絡頭雖人為也亦各因其天而任之故取諸隨安定胡氏曰隨者動作必隨於人

說卦八坤為牛義本坤象地任重而順故為牛也義本胡氏曰周公以乾為龍而夫子以為馬文王以坤為牝馬而夫子以為牛以見象之不必泥也如此學易者必以坤為牛或以一體取或以一爻取或以互變體爻取至不可取則又取離之牝牛其鑿甚矣要之天地間萬物无非易也又豈特此八物哉觸類而長之可也

說卦十一坤為子母牛義本正取其多蕃育而順之也書經酒誥肇牽車牛遠服服用孝養厥父母

詩經王風君子于役章日之夕矣羊牛下來義本日夕則羊先歸而牛次之

大雅行葦章敦彼行葦牛羊勿踐履抑章彼童而角實虹小子義本謂不必修德而可以服人者是牛羊之童者而求其角也亦徒潰亂汝而已

豈可得哉

魯頌閟宮章秋而載嘗夏而福衡義本福衡其牛角為其觸軀人也義本正地官封人云凡祭祀飾其牛牲設其福衡注云福設於角衡設於鼻如假狀如彼注福衡則兩處設之此又以福衡為一者無文故兩解也

禮記曲禮國君下齊牛式宗廟王制諸侯無故不殺牛

內則凡接子擇日冢子則大牢國君世子大牢禮器天子祭天特牲天子適諸侯諸侯膳以饋義本祭

天特牲者特一也天神尊尊質故止一特也天子適諸侯諸侯膳以饋者諸侯事天子如天子事天子事天既用一牛故天子巡守過諸侯境土諸侯奉膳亦止一牛而已也

君子大牢而祭謂之禮匹士大牢而祭謂之饗義本君子大夫以上大夫常祭少牢遺奠及卒哭耐用大牢故祭用大牢而謂之禮也匹士士也士常祭特豚遺奠卒哭耐加一等少牢若用大牢則是竊盜用君子之禮也

郊特牲郊特牲而社稷大牢天子適諸侯諸侯膳用饋諸侯適天子天子賜之禮大牢貴誠之義也故天子姓孕弗食也祭帝弗用也義本饋者誠懇未有牝牡之情是以小為貴也孕莊子也義本社五土總神稷是原隰之神功及於人人賴其功故以大牢報祭其牲則黝色諸侯適天子天子賜之禮大牢熊氏云大牢者則掌客云殷膳大牢非是殮積養餼之等

帝牛不吉以為稷牛帝牛必在滌三月稷牛唯具所以別事天神與人鬼也

明堂位夏后氏牲尚黑殷白牡周駢剛
尊用犧象註讀如字者釋云畫爲牛形

少儀牛則執紼馬則執勒皆右之

牛羊之肺離而不提心註離猶絕也心中中央也牛羊之肺雖割離之而不絕中央少許使可手絕之以祭也

祭義君召牛納而視之擇其毛而卜之吉然後養之祭法燔柴於泰壇祭天也瘞埋於泰折祭地也用騂犢

周禮天官鹽人饋食之豆其實脾析麇註鄭司農曰脾析牛百葉

地官大司徒之職祀五帝奉牛牲羞其肆註鄭康成曰牛能任載地類也奉猶進也鄭鎬曰或謂祭祀之時大宗伯毛六牲而頒之五官使其奉之牛則奉以司徒何也余以爲六牲之奉非惟以盡事神之禮蓋使居其官者知其所職之義也牛於五行爲土其性順而易制觀千鈞之牛三尺之童持尺箠而驅弭而行略不敢違者以其順也司徒掌教所以成天下之大順惟因天下自然之性而教之則大順成而天下治矣祀享之時使奉牛牲始也奉之而進終焉解體而羞之因其事以明其義使知設教之本意也史氏曰大司徒爲奉牲之長至是不得不奉牛牲也

享先王亦如之註賈氏曰享先王者謂四時并祫禘也亦如之者亦如祀五帝但禘郊之事先全烝後豚解奉牛牲謂全烝獻腥也羞其肆謂體解而進之若宗廟之事則無全烝先豚解次體解奉其腥獻者豚解也羞其肆者熟獻也

小司徒之職凡小祭祀奉牛牲羞其肆註黃氏曰大司徒祀五帝奉牛牲羞其肆享先王亦如之外此大司徒不奉不羞皆小司徒爲之謂之小祭祀自與大司徒相對爲大小大宰祀五帝贊玉幣爵之事祀大神示享先王亦如之小宰凡祭祀贊玉幣爵之事大宗伯祀大神享大鬼祭大示卜日視祿濯濯王鬯省牲饗奉玉盞詔大號小宗伯小祭祀掌事如大宗伯之禮皆可具攷此皆有精意鄭以王元冕所祭爲小祭祀非也

鄉師之職大祭祀羞牛牲共茅菹註賈氏曰大司徒奉牛牲此羞牛牲佐大司徒也王昭禹曰言羞不言奉贊其羞不贊其奉也

地官質人掌成市之貨賄人民牛馬兵器珍異

草人凡糞種驛剛用牛

儀禮聘禮宰夫朝服牽牛以致之士介朝服北面再拜稽首受

左傳僖公四年齊侯以諸侯之師伐楚楚子使與師言曰君處北海寡人處南海惟是風馬牛不相及也

註正義服虔云風放也牝牡相誘謂之風尚書稱馬牛其風牝言風馬牛謂馬牛風逸牝牡相誘蓋是未界之微事言此事不相及故以此取喻不相干也

三十一年牛卜日曰牲

宣公十一年申叔時對楚王曰牽牛以蹊人之田而奪之牛牽牛以蹊者信有罪矣而奪之牛罰已重矣

昭公十三年合諸侯於平丘叔向曰寡君有甲車四千乘在雖以無道行之必不可畏也况其率道其何敵之有牛雖瘠瘠於豚上其畏不死註正義曰前覆曰

償言牛倒豚上豚必死也言牛雖瘠者謂魯以晉爲無德輕之故以瘦牛自喻

古諺殺老牛莫之敢尸

寧爲雞口毋爲牛後註顏氏家訓謂戰國策音義口作尸雞尸雞中之主也後作從牛子也傳寫之誤

羸牛劣馬寒食下註言之食瘦瘠寒食必死也

管子制分篇屠牛垣朝解九牛而刀可以莫鐵則刃游閒也

莊子逍遙遊莊子曰今夫犛牛其大若垂天之雲此能爲大矣而不能執鼠

列御寇篇或聘於莊子莊子應其使曰子見夫犛牛乎衣以文繡食以芻菽及其牽而入於太廟雖欲爲孤憤其可得乎

墨子非攻篇入人欄廐取人馬牛者其不仁義又甚攘人犬豕雞豚此何故也以其虧人愈多苟虧人愈多其不仁滋甚罪益厚

今師行牛馬肥而往瘠而反往死亡而不反者不可勝數

小取篇之牛之毛黃則謂之牛黃之牛之毛衆而不謂之牛衆

尸子虎豹之子雖未成文已有食牛之氣

荀子解蔽篇從山下望牛者若羊而求羊者不下牽也遠蔽其大也

王制篇力不若牛走不若馬而牛馬爲用何也曰人能羣彼不能羣也

韓子解老篇先物行先理動之謂前識前識者無緣而妄意度也何以論之管何坐弟子侍有牛鳴於門

外弟子曰：是黑牛也，而白蹄，詹何曰：然是黑牛也，而在其角使人視之，果黑牛，而以布裹其角，以詹子之術，嬰衆人之心，華焉殆矣。故曰：道之華也，嘗試釋詹子之察，而使五尺之愚童子視之，亦知其黑牛，而以布裹其角也。故以詹子之察，苦心傷神，而後與五尺之愚童子同功，是以曰：愚之首也。故曰：前識者道之華也，而愚之首也。

公孫龍子通變論：羊與牛唯異，羊有齒，牛無齒，而牛之非羊也，羊之非牛也，未可是不俱有，而或類焉。羊有角，牛有角，牛之而羊也，羊之而牛也，未可是不俱有，而類之不同也。羊牛有角，馬無角，馬有尾，羊牛無尾，故曰：羊合牛，非馬也；非馬者，無馬也；無馬者，羊不二牛，不二而羊牛，二是而羊而牛，非馬可也。牛羊有毛，雞有羽，謂雞足一數，足二二而一，故三謂牛羊足一數，足四四而一，故五牛羊足五，雞足三，故曰：牛合羊，非雞，非有以非雞也。

呂氏春秋：重己篇，使鳥獲疾引牛尾，尾絕力勳，而牛不可行，逆也使五尺豎子引其棬，而牛恣所以之，順也。

明理篇：至亂之化，馬牛乃言。

史記平準書：漢興，接秦之弊，丈夫從軍，旅老弱，轉糧餽，作業劇，而財匱。自天子不能具鈞駟，而將相或乘牛車。

易林：蹄牛失角，下山傷軸。

負牛上山，力少難行。

典役不休，與民爭時，牛生五趾，行危爲憂。

青牛白咽，呼我俱田，歷山之下，可以多耕，歲藏時節。

人保安寧

舍車而徒，亡其駁牛，雖喪白頭酒，以療憂，蹄牛傷暑，不能成歌，草萊不墾，年歲無有。

牛馬聲，聒不知聲，味。

牛驛亡子，鳴於大野。

牛罷不進，浮陷爲疾。

獨駿南遊，虎驚我牛，陰不奉陽，其光滅蹴。

許人買牛，三夫爭之，失利在時，公孫懷憂。

敗牛羸馬，與利爲市，不我嘉喜。

一牛九鎖，更相牽攀，案明如市，不得東西，請識得報日中，被刑。

蹇牛折角，不能載粟，災害不避，年歲無穀。

韓詩外傳：曾子曰：椎牛而祭，墓不如雞豚，速親存也。

淮南子：原道訓，牛肢蹇而戴角者，天也；穿牛之鼻者，人也；循天者，與道游者，也；隨人者，與俗交者，也。

人間訓：蠹蟲走牛羊。

記論訓：馬免人於難者，其死也葬之；牛其死也葬，以大車爲薦，牛馬有功，猶不可忘，又况人乎？

齊俗訓：犧牛粹毛，宜於廟牲，其於以致雨，不若黑蜋。

今屠牛而烹其肉，或以爲酸，或以爲甘，煎熬燎炙，齊味，萬方其本，一牛之體。

從城上視牛，如羊；視羊，如豕，所居高也。

說山訓：剝牛皮，鞣以爲鼓，正三軍之衆，然爲牛計者，不若服於輓也；亡羊而得牛，則莫不利失也。故人之情於利之中，則爭取大焉。

殺罷牛，可以贖良馬之死，莫之爲也；殺牛必亡之數，以必亡贖，不必死，未能行之者矣。

烹牛以饗其里，而罵其東家，母德不報，而身見殆。規屯羣牛，既拊以修決，鼻而羈生子，而犧尸祝，齋戒以沉諸河，河伯豈羞其所，從出辭而不享哉？

諺曰：烹牛而不贖，敗所爲也。

說林訓：牛蹇，蹇顛亦骨也，而世弗灼，必問吉凶於龜者，以其歷歲久矣。

秦族訓：牛馬之氣，蒸生蟣虱，蟣虱之氣，蒸不能生牛馬，故化生於外，非生於內也。

京房易傳：牛少者穀不成。

法言修身篇：或問羣牛之羣，與元辟之羣，有以異乎？曰：同然，則何以不羣也？曰：將致孝乎鬼神，不敢以其羣也。如封羊，刺豕，罷賓犒師，惡在羣不羣也。

論衡：無形篇，牛壽牛馬。

骨相篇：富貴之家，役使奴僮，育養牛馬，必有與衆不同者矣。僮奴則有，不死亡之相；牛馬則有，數字乳之性。

語增篇：飲酒用千鍾，用肴宜盡百牛。

物勢篇：五行之氣，相賊害，含血之蟲，相勝服，其驗何在？曰：寅木也，其禽虎也；丑土也，其禽牛也。牛未食羊也，木勝土，故牛羊爲虎所服也；亥水也，其禽豕也，豕如論者之言，含血之蟲，亦有不相勝之効。亥豕也，未羊也，丑牛也，土勝水，牛羊何不殺豕？

自然篇：謂天爲災，變凡諸怪異之類，無小大，薄厚皆天所爲乎？牛生馬如論者之言，天神入牛腹中，爲馬乎？

風俗通：賣牛勿握角，令不售，恐觸人，人不敢取。

蔡邕：獨斷：左肅者，以犛牛尾爲之。

人物志或曰人材有能大而不能小猶牛之鼎不可以烹雞

晉杜預奏事臣前在南開魏興西北山有野牛野羊牛之大者二千斤羊之大者數百斤試令四求今者各得一枚并頭角蹄按其形不與中土相似是野獸中所希有

博物志婦人妊身不欲令食牛心

荆楚歲時記按董勛問禮俗曰正月五日爲牛今五日不殺牛亦此義也

抱朴子登涉篇山中寅日有自稱虞吏者虎也丑日稱書生者牛也但知其物名則不能爲害

博驗篇引耕犁則龍麟不逮雙時

詰鮑篇水牛結陣以却虎豹之暴

述異記千年水精爲青牛

續博物志雜令曰蹄人者絆其足醫人者截其耳說文牛觸者角著橫水

後山談叢馬驢驢陽類起則先前治用陽藥羊牛駝陰類起則先後治用陰藥故獸醫有二種

細素雜記蘇鶚演義云今人以巡邏匠爲咻尾即再命其爵也云南朝有異國進貢藍牛其尾長三丈一

云藍頰水其尾三丈時人做之以爲酒令

感應類從志牛馬度關出手即售欲買牛馬驢畜宿以木關障之明乃度過令寡婦繫其尾作十字則其物易售也

陶朱新錄黃定者於紹聖間有以牛冤事實司馬溫公公因作冤牛問曰華州村往歲有耕田者日晡疲甚乃枕犁而臥乳虎翳林間怒搖尾張勢作威欲

啖而食之屢前牛輒以身立其人之體上左右以角拉拉甚力虎不得食垂涎至地而去其人則熟寢未之知也虎行已遠牛具罹其體人則覺而惡之意以爲妖因杖牛牛不能言而犇輒自逐之盡怒而得愈見怪焉歸而殺之解其體食其肉而不悔夫牛有功而見殺盡力於不見知之地死而不能以自明向使

其人早覺而悟虎之害已則牛知免而獲德矣惟牛出身捍虎於其人未覺之前此所以功立而身斃也嗚呼觀此可以見夫天下之大甚於捍虎忠臣之功

力於一牛嫌疑之情過於伏體不悟之心深於熟寢苟人主或察焉則忠蒙之限何所自別哉傳稱姜佯

殞而藥酒上存主父下存主母猶不免於咎固有忠臣獲罪亦猶此夫客有因牛冤之事親過而弔焉余聞其語感而書冤牛云又自跋曰是牛也能捍虎於

其人未寤之前而不能全其功於虎行之後其見殺宜哉

演繁露王章臥牛衣中注龍具也龍具之制不知何若案食貨志董仲舒曰貧民常衣牛馬之衣而食犬

鉞之食然則牛衣者編草使暖以被牛體蓋養衣之類也

通鑑記周太祖放免租牛晉天福四年戶部已申放矣

僖十五年秦改館晉侯饋七牢焉注云牛羊豕各一爲一牢吳賁晉餽百牢亦累此數而言之也牛羊豕

具爲太牢但有羊豕而無牛則爲少牢今人獨以太牢半牛失之矣

游宦紀聞予友人胡子震嘗謂予曰牛以鼻聽蓋聞

之前輩餘論而莫知所本一日觀庖丁解牛首剖至耳果見室裏無孔始信其言之不妄埤雅舉戎右曰

贊牛耳桃荊牛耳無竅以鼻聽也焦贛易林曰牛龍耳贖蓋龍亦犢者也牛走順風馬走逆風故楚子曰

君處北海寡人處南海惟是風馬牛不相及也

蠡海集牛共羊居丑未之位牛色蒼雖有雜色而蒼多近於春陽之生氣故聞死則穀餘羊色白雖有雜

色而白多近於種陰之殺氣故聞死則不懼凡草木經牛噉之餘必重茂經羊噉之餘必悴槁諺有之曰

牛食如澆羊食如燒信夫是蓋生殺之氣致然也

羅湖野錄潼川府天寧則禪師早業儒詞章婉綽既從釋得法於儼首座而爲黃檗勝之孫有牧牛詞寄

以滿庭芳調曰咄這牛兒身強力健幾人能解牽騎爲貪原上綠草嫩離離只管尋芳逐翠奔馳後不顧

傾危爭知道山遙水遠回首到家遲牧童今有智長繩牢把短杖高提人泥入水終是不生疲直待心調

步穩青松下孤笛橫吹當歸去人牛不見正是月明時

溪蠻叢笑牛客多行桃源路洞中占軍事勝負及疾病祈禳皆以牛用名例牛

愛日齋叢抄記王祭之牛蘭栗左氏外傳楚觀射父曰郊禘不過蘭栗史漢書志天地性角蘭栗顏師古

注牛角之形或如蘭或如栗言其小於郊禮志始著其義西京雜記惠莊聞朱雲折五鹿充宗之角歎息

曰栗憤反能爾那栗喻小而不謂其角或非本此舞陰大姓李氏擁城不下更始徵趙喜喜年未二十既見更始嘆曰蘭栗憤豈能負重致遠乎除爲郎中行

偏將軍使諸舞陰而李氏降范史注犢角如蘭栗言小也則惠莊長安一儒生亦祖古語耳晉王濬表蘭栗之質當豺狼之路以自喻微弱也坡詩云耆年日凋喪但有犢角栗魯直云紅藥枝頭初蘭栗於是朱仲新記蘭栗言小也頭成蘭栗高續古紅藥詞云紅翻蘭栗梢頭偏姜堯章均藥詞亦云蘭栗梢頭弄詩句取羣花之含蕊爲工魯直食笋詩蘭栗戴地翻用之於笋尤切

談撰常言謂鴈爲孤而不及雙謂燕爲雙而不及孤者蓋鴈屬乎陽而燕屬乎陰陽數奇陰數偶如斯而已乾陽也故馬蹄圓坤陰也故牛足圻陽病則陰勝故馬病而臥陰病則陽勝故牛病而立

井觀瑣言宋景文公筆記曰古者牛惟服車書曰犍牽車牛易曰服牛乘馬漢趙過始教人用牛耕王弼傳易曰牛稼穡之資是不原漢始牛耕之意吾宗來

溧先生亦云求之六經古牛惟以服車不用於耕否則用以祭祀而已又否則如田單縱火齊王豐鐘而已以牛爲耕秦漢以上未聞也按孔門弟子冉耕字伯牛司馬耕亦字子牛而古犂字亦從牛故上虞李衍爲牛耕不始於漢予意牛耕之利古亦有之但不

如後世之廣耳或曰農耕既穫以牛服箱又草人糞壤駢剛用牛耕之字牛義取諸此未知是否

搜采異聞錄燕幕客號以牛假貧民使佃苑中稅其什之八自有牛者稅其七秦軍封裕諫以爲魏晉之世假官田牛者不過稅其什六自有者中分之不取其七八也予觀今吾鄉之俗募人耕田十取其五而用主牛者取其六謂之牛租蓋晉法也

輟耕錄世以療馬者曰獸醫療牛者曰牛醫周禮天官冢宰篇獸醫下士八人注獸牛馬之屬按此則療牛者亦當曰獸醫矣

真臘風土記真臘牛甚多生敢騎死不敢食亦不敢剝其皮聽其腐爛而已以其與人出力故也但以駕車耳

實賓錄太牢御史牛曰太牢謂牛僧孺也田家雜占凡牛退齒每每不得而知見若有見其齒已脫在口候而得之者大吉利主三年內大發

牛部外編
搜神記昔武王時雍州城南有一大神樹約高十丈周迴一里蔭其地土人民悉奉四時八節牽羊負酒祭祀不絕武王出城見衆奉獻王言此樹神何須損我百姓用物以斧伐之伐樹將倒樹中流血變作一

牯牛向址中走入豐水中故樹精百年化作青牛史記秦本紀文公二十七年伐南山大梓豐大特括地志云大梓樹在岐州陳倉縣南十里倉山上錄異傳云秦文公時雍南山有大梓樹文公伐之輒有大風雨樹生合不斷時有一人病夜往山中聞有鬼

語樹神曰秦若使人被髮以朱絲繞樹伐汝汝得不困耶樹神無言明日病人語聞公如其言伐樹斷中有一青牛走出入豐水中其後牛出豐水中使騎擊之不勝有騎墮地復上髮解牛畏之入不出故置髦頭漢魏晉因之武都郡立怒特祠是大梓牛神也按

今俗畫青牛障是風俗通秦昭王使李冰爲蜀守開成郡兩江溉田萬頃江神歲取童女二人爲婦冰自以其女與神爲婚

往至神祠勸神酒杯但澹水冰厲聲責之因忽不見良久有兩蒼牛鬪於岸傍有間冰還流汗謂官屬曰吾鬪大極不當相助耶南面腰中正白者我殺也主簿乃刺殺北面者江神遂死蜀人慕其氣決凡壯健者因名冰兒

湘中記長沙西南有金牛巖漢武帝時有一田父牽赤牛告漁人欲渡漁人曰船小恐不勝牛田父曰但相容不重困於君船於是人牛俱上及半江牛糞於船田父曰以此相贈既渡漁人怒其汚船以橈撥糞棄水欲盡方覺是金訝其神異乃躡之但見人牛入嶺隨至而掘之莫能及也今掘處猶存

酉陽雜俎太原縣北有銀牛山漢建武二十一年有人騎白牛蹊人田田父訶詰之乃曰我北海使將看天子登封遂乘牛上山田父尋至山上唯見牛跡遺糞皆爲銀也明年世祖封禪

博物志舊說云天河與海通近世有人居海渚者年八月有浮槎去來不失期人有奇志立飛閣於槎上多齎糧乘槎而去十餘日中猶觀星日月辰自後

茫茫忽忽亦不覺晝夜去十餘日奄至一處有城郭狀屋舍甚嚴遙望宮中多織婦見一丈夫牽牛渚次飲之牽牛人乃驚問曰何由至此此人具說來意并問此是何處答曰君還至蜀郡訪嚴君平則知之竟不上岸因還如期後至蜀問君平曰某年月日有客

星犯牽牛宿計年月正是此人到天河時也神仙傳東吳有徐墮者有道術居丹徒左慈過之墮門下有賓客車牛六七乘欺慈云徐公不在慈知客欺之便去客即見牛在楊樹杪行適上樹即不見下